



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ**

375025, ք. Երեւան, Նալբանդյան 130 հեռ. 59-65-94

N- 2/2-1- 2522

« 04 » 09 2013թ.

Ձեր 06.08.2013թ. թիվ 2621/1361 գր.

**«Ն ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ Հասմիկ Սահակյանին**

**Հարգելի տիկին Սահակյան**

Հայտնվում է, որ դիտորդների խմբի կողմից ս/թ օգոստոս ամսին «Ն ոստիկանության Տավուշի մարզային վարչության Տավուշի բաժնի ձերբակալվածներին պահելու վայր կատարած այցելության ընթացքում արձանագրված թերությունների ու խախտումների վերաբերյալ Ձեր գրությունը քննարկվել է «Ն ոստիկանության շտաբում և Տավուշի մարզային վարչությունում, որոնց վերաբերյալ ներկայացվում են հետևյալ մեկնաբանությունները.

1. Կալանավորվածներ Կ.Սարգսյանին և Ռ.Ջաքարյանին առանց հիմքի ՁՊՎ ընդունելու վերաբերյալ հայտնվում է, որ կալանավորվածներ Կ.Սարգսյանը և Ռ.Ջաքարյանը ՁՊՎ են ընդունվել Տավուշի մարզի ընդհանուր իրավասության դատարանի կողմից ներկայացված համապատասխանաբար 15.05.2013թ. թիվ ՏԴ2/0004/13/2013 և 28.11.2012թ. թիվ ՏԴ/0105/01/12 որոշումների հիման վրա, սակայն վերջիններիս ՔԿՀ տեղափոխելիս անձնական գործերի հետ միասին ուղարկվել են նաև նշված որոշումները, իսկ ՁՊՎ-ում չեն պահվել դրանց պատճենները, որոնք հետագայում վերադարձվել են ՁՊՎ:

Այսպիսով, կալանավորվածներ Կ.Սարգսյանին և Ռ.Ջաքարյանին առանց հիմքերի ՁՊՎ ընդունելու վերաբերյալ Ձեր մտավախությունը հիմնազուրկ է: Բացի այդ, որևէ իրավական ակտով նախատեսված չէ ՁՊՎ-ում պահման հիմքերի պատճենների պահպանումը ՁՊՎ վարչակազմի մոտ, ուստի դրանց բացակայությունը որպես խախտում չի կարող դիտարկվել:

2. ՁՊՎ-ում պահվող անձանց անվճար սննդով ապահովելու կապակցությամբ հայտնվում է, որ 01.06.2013թ. ոստիկանության Տավուշի բաժնի պետ Գ.Դալլաքյանի և «Վիոլետա-Վիտեն» ՍՊԸ տնօրեն Ա.Մայիլյանի միջև կնքվել է պայմանագիր, որը դիտորդների այցելության ժամանակ գտնվել է բաժնի հաշվապահությունում, այդ իսկ պատճառով հնարավոր չի եղել անմիջապես այն տրամադրել խմբի անդամներին:

ՍՈՒՑ թիվ 527

3. ՁՊՎ-ի շինարարական նորմերի խախտումների վերաբերյալ հայտնվում է, որ ՁՊՎ-ի խցերի պատուհանների, տեսակցության սենյակի միջանկյալ տեսանելիության պատնեշի և սանհանգույցի դռան դիտանցքի ապակիները փոխարինվել են օրգանական ապակիներով, իսկ լոգարանում տեղադրված լոգախցիկը ամբողջությամբ ապամոնտաժվել և փոխարինվել է ցնցուղով:


Ինչ վերաբերվում է խցերի պատուհանների՝ երկու կողմից վանդակաճաղերով արգելափակված լինելու պատճառով չբացվելուն, ապա դրանք ՀՀ կառավարության 05.06.2008թ. թիվ 574-Ն որոշմամբ հաստատված ՀՀ նստիկանության համակարգում գործող ձերբակալվածներին պահելու վայրերի ներքին կանոնակարգ>>-ի 116-րդ և 117-րդ կետերի պահանջների համաձայն դրսի կողմից պատված են մետաղյա վանդակաճաղերով, իսկ խցերի կողմից ապակիները պաշտպանվում են մետաղյա ցանցով, որոնք չեն խանգարում պատուհանների այնչափ բացվելուն, որքան հարկավոր է խցերի օդափոխության համար:

Տեսակցության սենյակը ամբողջությամբ կահավորվել է անհրաժեշտ գույքով, բուժսենյակի և սննդի տաքացման սենյակի առկա ամբողջ գույքը ամրացվել է հատակին, լոգարանում լվացարանի վերևի մասում առկա բաց հոսանքալարը մեկուսացվել է:

4. Որպես թերություն արձանագրած ՁՊՎ-ի 1-ին խցի սպիտակեղենը կեղտոտ վիճակում գտնվելու վերաբերյալ հայտնվում է, որ ՁՊՎ վարչակազմը ընդունել է նշված թերությունը և վերացրել այն:

Ինչ վերաբերվում է ՁՊՎ-ների վերաբացման կամ շահագործման հանձնելու գործընթացներին դիտորդների խմբի մասնակցությանը, ապա ՀՀ կառավարության 05.06.2008թ. թիվ 574-Ն որոշմամբ հաստատված ներքին կանոնակարգով, ՀՀ նստիկանության պետի 14.01.2005թ. թիվ 1-Ն հրամանով և ՁՊՎ-ների գործունեությունը կարգավորող այլ իրավական ակտերով նման կարգ նախատեսված չէ:

պետ, նստիկանության գեներալ-մայոր




Վ. Եղիազարյան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՄԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1361

06.08.2013թվ.



ՀՀ ոստիկանության պետ,  
գեներալ-լեյտենանտ  
պարոն՝ Վ. Գասպարյանին

Հարգելի պարոն Գասպարյան,

Դիտորդական խումբը սույն թվականի օգոստոս ամսին այցելության կատարելով ՀՀ ոստիկանության Տավուշի ՄՎ Տավուշի ՁՊՎ արձանագրել է, մի շարք թերություններ և խախտումներ:


Դիտորդական խումբը միաժամանակ արձանագրել է, որ մայիս ամսին վերաբացված տվյալ ՁՊՎ-ն ունի շինարարական նորմերի լուրջ խախտումներ:

Թերություններ՝

- ✓ 24.07.2013թ-ից մինչ Դիտորդական խմբի այցելությունը /օգոստոսի 2-ը/ ՁՊՎ-ում ոչ մի անձ չի պահվել, բայց ՁՊՎ-ի առաջին խցի սպիտակեղենը՝ սրբիչով գտնվում էին կեղտոտ վիճակում, որի վերաբերյալ վարչակազմը չկարողացավ ոչ մի մեկնաբանություն տալ:  
*/կից ներկայացվում է լուսանկարներ - 1,2/*

Խախտումներ՝

- ✓ Բացման օրվանից մինչ այցելության օրը, ՁՊՎ-ում պահվել են 2 կալանավորված անձիք Կարեն Անդրանիկի Սարգսյանը և Ռոման Ռոբերտի Զաքարյանը: ՁՊՎ-ում բացակայում էին նշված անձանց ՁՊՎ ընդունելու հիմքերը: Արդյունքում՝ երկու կալանավորված անձիք էլ ՁՊՎ էին ընդունվել առանց հիմքերի և տվյալ փաստը, որ անհարեժու հիմքերը բացակայել են ՁՊՎ-ից հաստատված է ՁՊՎ-ի ոստիկանի ստորագրությամբ՝ Դիտորդական խմբի արձանագրությունում:



- ✓ Դիտորդական խմբի այն հարցադրմանը, թե սնունդը ինչ ձևաչափով է տրամադրվում, մեկնաբանեցին, որ պայմանագիր է կնքվել, ինչ որ սննդի կետի հետ, սակայն կնքված պայմանագիրը չկարողացան տրամադրել Դիտորդական խմբին:


Շինարարական նորմերի խախտումներ՝

1. Խցերի պատուհանները պատրաստված են՝
  - ✓ Ապակուց -
  - ✓ Պատուհանների ապակիները թափանցիկ չեն, որը խոչընդոտում է բնական լուսավորության ներթափանցմանը
  - ✓ Խցերի պատուհանները երկու կողմից էլ վանդակաճաղերով արգելափակված են ?
  - ✓ Խցի պատուհանները չեն բացվում՝ վանդակաճաղերի պատճառով: Կից ներկայացվում է լուսանկար - 3,4,5/
2. ՁՊՎ-ների խցերը չունեն օդափոխության համակարգ:
3. Տեսակցության սենյակը՝
  - ✓ Մի կողմից կահավորված չէր համապատասխան գույքով Կից ներկայացվում է լուսանկար - 6/
  - ✓ Մնջանյալ տեսանելիության պատնեշը ապակուց էր, այլ ոչ թե օրգանական ապակուց: Կից ներկայացվում է լուսանկար - 6/
4. Սանհանգույց՝
  - ✓ Դռան վրա նախատեսված տեսանելության դիտանցքը ապակուց էր, այլ ոչ թե օրգանական ապակուց
  - ✓ Լվացարանի վերևի մասում առկա էր հոսանքալար՝ բաց վիճակում և անհայտ էր թե ինչ նպատակով Կից ներկայացվում է լուսանկար - 7/
  - ✓ Լոզանքի համար տեղադրված է լոզախցիկ, որը ամբողջությամբ ապակուց էր, այլ ոչ թե օրգանական ապակուց: Կից ներկայացվում է լուսանկար - 8/
5. Բուժսենյակում առկա գույքից ոչինչ ամրացված չէր հատակին: Կից ներկայացվում է լուսանկար - 9,10/
6. Ճաշասենյակի գույքը նույնպես ամրացված չէր հատակին: Կից ներկայացվում է լուսանկար - 11/  
Նշված թերությունները բացառելու նպատակով, ցանկալի կլիներ մինչ ՁՊՎ-ի վերաբացումը հետազոտություն իրականացնող հանձնաժողովի կազմում, ինչպես դա եղել է նախկինում, լինեին նաև Դիտորդական խմբի անդամները, որպեսզի բացառվեր նման թերությունները:

Այսպիսով՝ խնդրում ենք ուսումնասիրել ներկայացված փաստերը և միջոցներ ձեռնարկել դրանց ուղղությամբ:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողությունն իրականացնող հասարակական Դիտորդական խմբի նախագահ՝



Հ. Սահակյան